

Daihhaj Gaiq Gvangjsih Gveilinz Gozci Ciet Bya Raemx Vwnzva Lijyouz Haimuq

第五届广西桂林国际山水文化旅游节开幕

10 nyied 19 hauh banhaemh, Daihhaj Gaiq Gvangjsih Gveilinz Gozci Ciet Bya Raemx Vwnzva Lijyouz haimuq, doengzseiz lij yienj gij yisuz cunzyouz hunghoengh ndei yawj dem. Gaiq ciet neix cawjdaez dwg “bya raemx gyaunde, Gveilinz swnghdai”, youz lijyouz, vwnzva, diyyuz daengj 5 aen cawjdaez 8 hangh lai cungj lai yiengh hozdung gyoebbaenz, yisuz cunzyouz faen baenz Gveilinz gyaunde, Gveilinz swnghdai, Gveilinz rengzhoengh sam biencieng, 26 aen doihvunz camgya cunzyouz, baijyienj le biujyienj fouxnoz, fungcingz Yauzcuz, vwnzva Veizcuz, fungcingz guekrog doenghgiy neix, hawj siminz caeuq hekyouz Cungguek guekrog yawj caeuq faenyienj gij cwngzgoj Gveilinz Si hwnjguh gozci dieg ndei lijyouz aeu ndaej haenx.

(Vangz Swzcang/王滋创 Dangz Gvangjdungh/唐广东)



▲ Gyoengq yenjyenz cingq biujyienj youzcaz Yauzcuz.



▲ Hekyouz guekrog hix camgya cunzyouz bw!

Lozyez Banh Siujhagseng Biucinj Vahcuengh Caizyi Biujyienj Doxdax

乐业举办小学生标准壮语才艺表演赛

Mboengqneix, Lozyez Yen Sinhva Cin Cungsim Siujyoz banh “Lozyez Yen bi 2015 siujhagseng biucinj Vahcuengh biujyienj doxdax hozdung”, 30 boux siujhagseng daj daengx yienh 4 aen yangh(cin) 6 aen Cuengh Gun song saw vah hagdangz daeuj haenx camgya doxdax.

Youq seiz biujyienj hozdung, gyoengq siujhagseng daenj buhvaq Bouxcuengh saek rongh yiengh lai, gagsaengq simdingh, youq gwnz daiz yungh biucinj Vahcuengh guh biujyienj, gij singyiem lwgynez ndei dingq haenx hawj yienhciengz bouxyawj cungj roxnyinh heiqlik saedceij Mbanjcuengh naekna, cezmuz ndei yawj ndaej daengz bouxyawj bekwngz.

Caizyi biujyienj daezhawj hagseng Bouxcuengh aen daizheiq yienh’ok bonjfaenh he, doengzseiz lij cazniemh le gij cwngzgoj sonhag Cuengh Gun song saw vah, coicaenh hong gyauyuz Cuengh Gun song saw vah hwnghat, mboujduenh gyagiengz doxgyau Cuengh Gun song saw vah youq seiz saedhengz swnghcanj saedceij, hawj de vwnzva neihanz engqgya fungfouq.

(Yenz Gozveij/颜国伟 Denz Minjcu/田敏翠)



▲ Biujyienj gofoux aencingz bohme.

Mbanjyauz Yienj Vwnzyi Cezmuz Fatyiengz Gyacizgvanh

弘扬价值观文艺节目瑶寨火热开演



▲ Yenjyenz cingq diuq foux.

10 nyied 19 hauh banhaemh, Ginhsiu Yauzcuz Swciyen Ginhsiu Cin Mbanjliuzcunh vwnzva gvangjczangz naengh rim beixnuengx Yauzcuz, seiqlengq sing go haprwenz, nauhyied dangqmaz. Aen yienh neix Yauzcuz Vwnzva Yenzgiu Baijyienj Cungsim haiguh cawjdaez dwg “gyacizgvanh raeuz • vwnzyi haeuj fanh ranz” vwnzyi cezmuz ndei yawj haeuj Mbanjyauz yienj hozdung, soengqciengz gij cingsaenz gaenxmaenx doxhwnj vwnzmingz, huzndei, doxgiat de.

(Cinz Haijyen/秦海燕)

Daengx Guek Bauqceij Gizganh Cizlieng Guenjieix Beizyinbanh Banh Sat

全国报纸期刊质量管理培训班结束

Bonjbauq siusik (gicej Suh Gyahgvai) 10 nyied 12 hauh daengz 15 hauh, Daengx Guek Bauqceij Gizganh Cizlieng Guenjieix Beizyinbanh youq Baekging banh. 300 lai boux bauqceij gizganh bumwnz lingjdauj, bouxbien, gicej caeuq bouxdoiq daj daengx guek 31 aen sengsi daeuj camgya beizyin. Guekgya Sinhvwnz Cuzbanj Gvangjden Cungjgiz Cuzbanj Canjbij Cizlieng Genhdz Genjcwz Cunghsinh dangcuj suhgi, fucujyin Sunh Baujlinz guh haiban dungyenz gangjvah, de caemhcaiq aeu 《Bauganh Cizlieng Guenjieix Dijhi Caeuq Cizlieng Genjczaz》guh daezmoeg daeuj lwnhgangj gij faplwd baengzgawq bauganh oksaw cizlieng gamduk genjczaz, cwnghfuj cawjguenj bumwnz aeu hawj aen cizcwz guh cizlieng gamduk, fazveih gij cozyung cizlieng genjczaz gihgou, bangcoh guh ndei guh caezcieng cizlieng fazveih, hengzguh bauganh cizlieng caeugenj miz yihi hungraeuh daengj.

Sunh Baujlinz naeuz, daj seizneix hwnj, couh yenzgiu yaek dawz bauqceij, gizganh biendoiq cizlieng caeugenj nabhaeuj cungjgiz cizgenj cungsim bi 2016 “oksaw 315” gamduk genjczaz neiyungz ndawde bae. Danhfanz bonjsaw miz loengloek fanh faenh cih it, bauqceij miz loengloek fanh faenh cih sam, gizganh miz loengloek fanh faenh cih ngeih, cungj deng yawj guh mbouj habgek.

Gih raeuz miz 8 gya bauqceij gizganh 15 boux vunz camgya beizyin.



▲ Gyoengq yozyenz nyinhcaen dingqgoq.



▲ Sunh Baujlinz guh haiban dungyenz gangjvah.